

新脩麻陽縣志 第 函

新脩麻陽縣志

卷一

序

新修麻陽縣志卷之十

藝文志

玉簡金書鳥篆探岫嶺之秘美人香草騷經補風雅
之遺寄豪吟於吳楚乾坤氣吞雲夢抒偉抱於江湖
廊廟波撼岳陽蔣城實美秀之區麻邑爲人文之藪
得江山助都人士寄興偏多結翰墨緣名公卿留題
不少朱懷忠稱詞壇宿將滿太僕爲名教完人樓記
與存分光輝於日月疏披直諫擬文字以風霜髫齡
陳代父之書慷慨上平苗之議言惟居要卽是片羽

月陽卷八
吉光材果軼羣何嫌連編累牘殘碑斷碣蘚點徧摩湘
月晃雲竹枝高唱蓋清淑鍾於天地斯文章壽以河

山蔚爲

國華傳心香於一瓣采入邑乘留韻事於千秋

藝文

重脩同天寺記

宋熙寧
縣尉

黃叔豹

錦州唐之盛時爲江南道大歷之後方鎮跋扈河北
山東之地天子且不得有自是以還唐之州郡名存
實亡而版籍貢賦不上於縣官者所在皆是況要荒
萬里之外乎熙寧初王師初出復河湟數千里之地
於是五谿之酋悉以其地與衆內附而唐之遐荒遠
裔始復爲中原有六年十二月城錦州徙辰之麻陽
治之而以其縣隸沅州八年卽城之東隅爲浮屠寺

詔賜額同天又詔歲度僧一人其後二十年余來尉
是邑官舍民居類皆茅茨板屋上漏旁穿獨同天僧
舍穹堂與殿樓觀環傑門廡深邃雖通衢大邑罕有
其匹問寺僧則道冲主之詢其始有僧緒居此屋室
僅足以除風雨而其徒乞食常不足凡五年而緒死
繼舉道冲爲住持乃召集其徒謀曰今吾徒有寺而
無屋以居有衆而無田以食冀時行乞於人終歲勤
且益窶若將致吾力以求天地之利生吾禾植吾稼
築吾垣建吾舍庶幾將休焉於是得官之棄地於縣

西南二十里高則塹斷磽确下則濡澤沮洳以爲黍
則積潦而不洩以爲秔秣則五六月之間水無所瀦
方官募民佃耕皆過而不顧始與其徒披攘荆棘誅
鋤草茅度地之原隰視山之流泉築堤絕溪激水而
上鑿山刊石以爲畎澮夷高增卑身先畚鍤藟藿
食蕤菽窮日力而不休積十年而溉田幾百畝又因
寺故址增斥展拓芟除荒穢垣墉而塗茨者縱壹百
八十三步廣一百二十四步伐木於山役工於徒凡
樸斲甄冶板築污塲之事與夫土木金甍髹彤黝堊

之費未嘗求助吾民至是二十年而棟宇穹隆聿觀厥成自門闥至殿寢與夫庖湑庫庾便齋宴室以數計之爲屋二百四十有五間以此窮荒虎豹之區條化爲莊嚴法界非其智足以有爲弗及此惟吾士與農幼學而壯行寒耕而暑耘其勤亦已至矣然而蓬戶甕牖短褐糟糠常不免於其身而浮圖宮室乃獨屹於一方卽其居室器械衣裳皆出於其力而不求於人則冲之視其黨亦無媿矣非獨無媿於其黨也吾民游惰而不衣食其力與夫士不致力於學農不

致力於田工商不致力於器與貨是皆可媿矣冲之
績可書而傳予故爲記且使熙寧開創之歲月有考
焉

重脩儒學記

明學政山薛綱
陰進士

麻陽古邊邑也僻萬山中密邇洞寨爲苗寇所侵燬者數矣學在縣治西北創建於宋慶元重修於延祐至明正德間議修葺之景泰乙亥歲苗寇猝入焚燬縣治學舍殆盡惟不及大成殿歸然若魯靈光之獨存也一時士民莫不神赫之輒欲修舉以窘於財力弗克有爲更歷二三尹不得已伐細木以爲楹誅豐茅以代瓦塗埴補綴無明倫堂爲兩齋不剪不飾難備風雨大成殿雖存亦蕭然敗宇頽然土牆而已師

生皆僦居外處每一聞鼓聲則羣然而來一揖輒散去絃誦廢絕學業因之而荒蕪矣成化壬寅冬十一月予督學至彼乃啾啾嗟嘆進縣尹范順諭之曰烈火不及大成殿以有吾夫子在天之靈也久而不葺無乃違天逆神乎范尹聞予言不覺茫然自失唯唯惟命予度其縣小而財無所出功大而力有弗給親爲措置區畫又命教諭李厚以饌堂餘銀助之大率功用之直十有三矣未幾范尹庀材鳩工殫心竭力首葺大成殿次建兩廡次櫺星戟門次明倫堂兩

齋又次學官廨宇生徒號房一皆去茅而瓦去舊而
新西晃諸峯屏峙增秀龍門錦水映帶生輝非獨山
川爲之改觀而來遊歌者亦鼓舞踴躍進德修業有
倍於夙昔矣丙午歲冬十二月予至沅州范令率諸
生來就試遂以文請予喜不能已又進諸生論之曰
苗寇能火吾學舍不能火聖賢之道詩書禮樂之教今
得范尹興廢舉墜致力於煨燼之餘則絃誦復作文
教聿興吾道光明自若也譬如利欲能火人心不能
火吾義理之根柢惟學者能因其所明去其所蔽固

其根柢之所存則方寸清明欲焰不熾小而賢大而
聖何所不至近而身家遠而國與天下又何往而不
得其理豈特取科第縈青紫已哉諸生亦唯唯而退
嗚呼范尹以唯唯而成興學之功吾不知諸生之唯
唯果能有成否顧其成否雖不敢必而激揚勉勵之
責亦不敢不盡遂次第其語俾鐫諸石一以勵諸生
一以表范尹之用心耳尹名順字邦祥直隸徽州府
休甯人蒞官廉能縣當火後百廢皆其所舉而修建
文廟學署其一事云

築石城記

明太守徽
州進士戴敏

敏

麻陽屬華夷之交山水奧僻民生無異業率多力農
衣食不假外求而自足獨路與鎮筸銅平諸苗相通
利刃勁弩由五寨猝然而至畏其毒者無所於避邑
故有土城景泰中毀成化壬辰有都憲吳公琛者撫
視惻然欲其舉廢版鋪經始勞未集而去土無蓬蘽
之庇風雨淋澍日以崩壞縣治寄寥曠中局鑰弗固
亦惴惴然針氈如坐常艤小舟於江濤寇至則偕吏
肘印解纜鼓棹以避寇退則反外此無殊策庚午春

金華張煥以高安丞擢令茲邑下車嘆曰苗狎侮乃爾城不築欲爲邑得乎會余來典郡事令具以告心大韙之遂呈於先廵撫都憲金陵陳公鎬公曰此守令責也於是程事度費發帑贏金得八百兩有奇役民從事凡屯田之戍於境者檄其長督之較舊增式廓焉爲丈計五百有四高一丈有五闊殺三之一裏以甃石下闢四門門上爲重屋鼓樓箭梁渠答蘭石巨細畢舉煥然有金湯保障之勢自是官休於庭民恬於市而苗之過者輒一寄目而走蓋越三霜而城

始稱完美及余轉令官張令復述士民劉倫賈友信
輩之意來請記余復之曰大易言重門擊柝以待暴
客蓋取諸豫言有備也張令職思其憂知所先務殫
乃心力底於有成所以副余者甚善然其體恤保愛
敦本重教凝固人心有加無替俾去之日人咸指此
城爲張令甘棠焉余不益有光哉張令勉之後相繼
而令茲邑者吾知有由勸矣卽慨然欲興舉之值歲

未稔耶果爲越明年復謀於純首捐己俸以市良材
因思功結費大諭民有餘貲者量助以襄土木之重